



## **BARAZA LA WAWAKILISHI – ZANZIBAR**

### **ORODHA WA SHUGHULI ZA LEO**

### **BARAZA LA KUMI LA WAWAKILISHI**

### **MKUTANO WA PILI**

**Kikao cha Tano – Tarehe 16 Februari, 2021.**

Kikao Kitaanza Saa 3.00 (Tatu) Asubuhi  
na Dua zitasomwa.

#### **I. TAARIFA YA SPIKA:**

#### **II. MASWALI:**

##### **Ofisi ya Makamo wa Kwanza wa Rais:**

86. MHESHIMIWA FATMA RAMADHAN MOHAMMED (Nafasi za Wanawake) - Atamuuliza Mheshimiwa Waziri wa Nchi, Ofisi ya Makamu wa Kwanza wa Rais:

Katika maeneo ya Mwanakwerekwe kuna shimo limezidishwa kuchimbwa mchanga na kusababisha wakaazi wa karibu kuwa na wasiwasi mkubwa kutokana na ardhi yake ya mmong'onyoko.

- (a) Je, Serikali ina mpango gani wa shimo hilo ambalo linaweza kuleta madhara zaidi hasa katika kipindi cha mvua za masika.
- (b) Je, Serikali imejipanga vipi katika kudhibiti tabia hizi za uchimbaji ovyo wa mchanga ambao unasababisha madhara makubwa hasa katika kipindi cha masika.

**Ofisi ya Rais, Tawala za Mikoa, Serikali za Mitaa na Idara Maalum za SMZ:**

84. MHESHIMIWA BIHINDI HAMAD KHAMIS(Nafasi za Wanawake) - Atamuuliza Mheshimiwa Waziri wa Nchi, Ofisi ya Rais, Tawala za Mikoa, Serikali za Mitaa na Idara Maalum za SMZ:

Chuo cha Kiislamu Micheweni kinakabiliwa na changamoto nyingi katika kuwapatia vijana elimu na mambo mengine yanayohatarisha maisha ya wanafunzi wakati wanapopata matatizo hasa nyakati za masomo pamoja na usiku kulazimika kutembea masafa kufuata huduma za kiafya hospitali ya Micheweni.

Je, ni lini kutaanzishwa kituo kidogo cha afya katika chuo hicho ili kuwaondoshea usumbufu wanafunzi hao.

**Ofisi ya Rais, Kazi, Uchumi na Uwekezaji:**

72. MHESHIMIWA DKT. SAADA MKUYA SALUM (Uteuzi wa Rais) - Atamuuliza Mheshimiwa Waziri wa Nchi, Ofisi ya Rais, Kazi, Uchumi na Uwekezaji:

Moja kati ya maeneo ambayo yanatarajiwa kutoa ajira nyingi ni sekta ya uwekezaji kupitia wawekezaji binafsi wa ndani na nje ya nchi.

- (a) Je, ni utaratibu gani ambao Serikali unafuata kuhakikisha kuwa ajira za wenyeji zinapatikana.
- (b) Je, Serikali imejipanga vipi kuhakikisha kunapatikana ufanisi mzuri kupitia uwekezaji wa ndani na nje.

**Wizara ya Elimu na Mafunzo ya Amali:**

34. MHESHIMIWA HASSAN HAMAD OMAR (Jimbo la Kojani) - Atamuuliza Mheshimiwa Waziri wa Elimu na Mafunzo ya Amali:

Katika malengo ya maendeleo endelevu (SDGs) Namba 4 imeelezwa kuwa, kuhakikisha kuna elimu bora inayotolewa kwa usawa na kutengeneza fursa za kujiendeleza kwa wote.

- (a) Je, kwa nini Wizara yako imekuwa na ubaguzi wa uunguja na upemba katika kusimamia mitihani.
- (b) Je, kwa nini inapodhaniwa kuvuja mitihani kwa baadhi ya maskuli, wanafunzi huadhibiwa kwa kufutwa matokeo lakini waliovujisha hawachukuliwi hatua yoyote.
- (c) Je, utalitua vipi janga la uvujaji wa mitihani maskulini.

80. MHESHIMIWA AZZA JANUAR JOSEPH (Nafasi za Wanawake) - Atamuuliza Mheshimiwa Waziri wa Elimu na Mafunzo ya Amali:

Naelewa kuwa Elimu ya Msingi hadi Sekondari si suala la Muungano, bali Baraza la kutunga Mitihani (NECTA) na Elimu ya Juu ni ya Muungano.

- (a) Je, ni changamoto zipi zinazokabili skuli zetu hasa za Serikali kutokufanya vizuri katika mitihani ya kidato cha nne na cha sita huku tukielewa kwamba tuna mtaala mmoja kwa Tanzania nzima.
- (b) Je, Serikali imejipanga vipi kuhakikisha wanafunzi wetu wanafanya mitihani yao vizuri kama vile wanavyofanya wanafunzi wa Tanzania Bara.

**Wizara ya Kilimo, Umwagiliaji, Maliasili na Mifugo:**

7. MHESHIMIWA MWANTATU MBARAK KHAMIS (Viti Maalum)  
Atamuuliza Mheshimiwa Waziri wa Kilimo, Umwagiliaji, Maliasili  
na Mifugo:

Naipongeza Serikali kwa kuimarisha Maeneo ya Hifadhi ya misitu na kuweka utaratibu mzuri wa kunufaisha vijiji vilivyopo jirani na maeneo hayo.

Ni faida gani iliyopatikana katika vijiji vilivyomo katika maeneo hayo na vijiji vingapi vimeweza kunufaika Unguja na Pemba.

**Wizara ya Maji, Nishati na Madini:**

17. MHESHIMIWA MACHANO OTHMAN SAID (Jimbo la Mfenesini) - Atamuuliza Mheshimiwa Waziri wa Maji, Nishati na Madini:

Serikali ya Mapinduzi ya Zanzibar imefanya kazi kubwa na nzuri ya ujenzi wa barabara ya Bububu hadi Mkokotoni. Hata hivyo, wakati wa ujenzi huo, baadhi ya mabomba ya maji yaling'olewa hivyo kuleta shida ya maji kwa wananchi wa maeneo husika.

- (a) Kwa kuwa ujenzi wa barabara hiyo umekamilika, ni lini huduma hiyo ya maji itarejeshwa tena
- (b) Je, ni nani mwenye wajibu wa kurejesha huduma hiyo kati ya mjenzi wa barabara hiyo na Serikali.

**Wizara ya Biashara na Maendeleo ya Viwanda:**

13. MHESHIMIWA MUSSA FOUM MUSSA (Jimbo la Kiwani) - Atamuuliza Mheshimiwa Waziri wa Biashara na Maendeleo ya Viwanda:

Katika mwaka wa fedha 2019/2020, Shirika la ZSTC lilifanya mauzo ya tani 5,640 za karafuu zenye thamani ya U\$ 26,661,620 sawa na shilingi bilioni 61.05 kwa nchi ya India na Singapore.

- (a) Je, Mhe. Waziri kwa sasa bado bei iko nzuri.

- (b) Je, Serikali inawaeleza nini wakulima wa zao la karafuu juu ya kuongezewa bei kwa Serikali yao hii ya awamu ya nane.

**Wizara ya Ujenzi, Mawasiliano na Uchukuzi:**

45. MHESHIMIWA MOHAMED MGAZA JECHA (Jimbo la Mtambile) - Atamuuliza Mheshimiwa Waziri wa Ujenzi, Mawasiliano na Uchukuzi:

Naipongeza Serikali ya Mapinduzi Zanzibar kwa ujenzi wa barabara nyingi na za kisasa kisiwani Pemba ili kuwapunguzia umasikini wa kipato wananchi wetu hususan barabara ya Kangani - Mtambile na Mtambile Kengeja ambazo muda mfupi baada ya kuanza matumizi, zinachimbika na kuharibika vibaya.

- (a) Je, Serikali inafahamu uharibifu huo.
- (b) Je, ni lini Serikali itazifanyia matengenezo barabara hizo ili kuwaondoshea adha wananchi wanaozitumia.

**Wizara ya Uchumi wa Buluu na Uvuvi:**

83. MHESHIMIWA SHAMATA SHAAME KHAMIS (Jimbo la Micheweni) - Atamuuliza Mheshimiwa Waziri wa Uchumi wa Buluu na Uvuvi:

Wananchi wa Jimbo la Micheweni wamekuwa na shauku kubwa juu ya kauli na mikakati ya Serikali zinazotolewa na Mheshimiwa Rais wa awamu ya nane na wanaendelea kumuomba hasa katika muelekeo wa uchumi wa Buluu.

Je, ni lini Wizara itatoa elimu na nyenzo zenye ufanisi kwa wananchi wa Jimbo la Micheweni ambao kwa kiwango kikubwa wanapata mahitaji yao ya lazima kupitia bahari.

**III. TAARIFA YA SERIKALI:**

**Waziri wa Nchi, Ofisi ya Rais, Fedha na Mipango:**

Hotuba ya Muelekeo wa Hali ya Uchumi, Mpango wa Maendeleo na Bajeti kwa mwaka 2021/2022 – 2023/2024.

Zanzibar,  
16 Februari, 2021.

(Raya Issa Msellem)  
**KATIBU WA BARAZA.**